

Na osnovu člana 22. stav 2. Zakona o ministarstvima i drugim organima uprave Tuzlanskog kantona („Službene novine Tuzlanskog kantona“, br. 17/00, 3/01, 12/03, 10/05, 3/08, 8/11, 15/13 i 15/17) i člana 9. Odluke o utvrđivanju uslova, kriterija i postupka za raspodjelu sredstava sa potrošačke jedinice 32010004 – Podrška mladima, broj: 02/1-14-16311-1/18 od 03.07.2018. godine, Ministarstvo za kulturu, sport i mlade Tuzlanskog kantona, raspisuje

JAVNI POZIV

za odabir korisnika sredstava sa potrošačke jedinice 32010004 – Podrška mladima u 2018. godini

I

PREDMET JAVNOG POZIVA

Predmet Javnog poziva je prikupljanje prijave za odabir korisnika sredstava utvrđenih u Budžetu Tuzlanskog kantona za 2018. godinu, sa potrošačke jedinice 32010004 – Podrška mladima, u iznosu od 100.000,00 KM (slovima: stotinu hiljada i 00/100 KM), koji se odnosi na sufinansiranje programa:

- | | |
|--|--------------|
| 1. subvencioniranje kamata na kredite za stambeno zbrinjavanje mladih do | 80.000,00 KM |
| 2. subvencije za nabavku računarske i druge opreme do | 20.000,00 KM |

II

PROGRAMI

Program broj 1. Subvencioniranje kamata na kredite za stambeno zbrinjavanje mladih

1. Namjena sredstava

Sredstva se dodjeljuju korisnicima za subvencioniranje kamata na kredite za stambeno zbrinjavanje mladih.

2. Pravo i uslovi za dodjelu sredstava

Pravo na dodjelu sredstava ima fizičko lice/podnosilac prijave sa prebivalištem na području Tuzlanskog kantona, pod uslovima:

- da nije mlađi od 18 niti stariji od 35 godina života u trenutku podnošenja prijave,
- da je državljanin Bosne i Hercegovine,
- da ima mjesto prebivališta na području Tuzlanskog kantona,
- da nema riješeno stambeno pitanje,
- da posjeduje Ugovor sa bankom o stambenom kreditu za stambeno zbrinjavanje,
- da do momenta podnošenja prijave ima urednu otplatu kredita prema Planu otplate,
- da u prethodnim godinama nije bio korisnik sredstava za stambeno zbrinjavanje i/ili subvencioniranje kamata za stambeno zbrinjavanje odobrenih iz Budžeta Tuzlanskog kantona.
- da je zaključio notarski obrađen ugovor o kupoprodaji stana ili kuće u periodu od 01.01.2015.godine do dana podnošenja prijave po javnom pozivu za subvencioniranje kamata na kredite za rješavanje stambenog pitanja mladih.

3. Kriteriji za bodovanje

Kriteriji za bodovanje i rangiranje podnosioca prijave za dodjelu sredstava su:

- starosna dob,
- stručna sprema,
- imovinski cenzus,
- uspješni rezultati u oblasti nauke, umjetnosti, sporta i kulture,
- broj članova porodičnog domaćinstva.

4. Maksimalni iznos sredstava

Sredstva za subvencioniranje kamata na kredite za stambeno zbrinjavanje mladih dodjeljivaće se u traženom iznosu, a maksimalan iznos ne može biti veći od 3.000,00 KM (slovima: tri hiljade i 00/100 KM).

Pojedinačni iznos sredstava na ime subvencioniranja kamata jednak je ukupnom iznosu kamate obračunate u 12 uzastopnih mjesečnih rata prema Planu otplate, počev od 01.06.2017. godine do 31.05.2018. godine.

5. Potrebna dokumentacija

- 1) CIPS obrazac PBA3 ne stariji od 30 dana (original ili ovjerena kopija).
- 2) Uvjerenje izdato od suda sa mjestom prebivališta i mjestom rođenja da podnosilac prijave i članovi njegovog porodičnog domaćinstva nisu vlasnici stana ili porodične kuće u mjestu prebivališta i mjesta rođenja na području Bosne i Hercegovine (original ili ovjerena kopija).
- 3) Ugovor sa bankom o namjenskom kreditu za stambeno zbrinjavanje sa Planom otplate kredita na kojem se jasno vidi iznos kamate koju je potrebno platiti u periodu od 01.06.2017. godine do 31.05.2018. godine (kopija). Napomena: Podnosioci prijave koji budu odabrani kao korisnici sredstava, dužni su u roku od tri dana od dana objave Rang liste korisnika sredstava sa pozicije „Podrška mladima“ za 2018. godinu tražene dokumente dostaviti u originalu ili ovjerenj kopiji.
- 4) Potvrdu od banke da do momenta podnošenja prijave postoji uredna otplata kredita (treba da sadrži i slijedeće podatke: ime i prezime podnosioca prijave, JMBG, broj ugovora o stambenom kreditu, broj transakcijskog računa podnosioca prijave) (original).
- 5) Izjavu podnosioca prijave ovjerenu kod nadležnog gradskog/ općinskog organa ili notara da u prethodnim godinama nije bio korisnik sredstava za stambeno zbrinjavanje i/ili subvencioniranje kamata za stambeno zbrinjavanje od Vlade Kantona i drugih organa uprave Tuzlanskog kantona (original ili ovjerena kopija).
- 6) Notarski obrađen ugovor o kupoprodaji stana ili kuće (original ili ovjerena kopija).
- 7) Dokaz o otvorenom transakcijskom računu u banci za podnosioca prijave (kopija).
- 8) Dokaz o stručnoj spremi (Diploma, Uvjerenje, Svjedodžba) (original ili ovjerena kopija). Napomena: Ukoliko se radi o inostranoj obrazovnoj ispravi, podnosilac prijave obavezan je uz ovjerenu kopiju iste dostaviti i odgovarajuće rješenje o nostrifikaciji, odnosno stručnom priznavanju, izdato od strane nadležnog Ministarstva.
- 9) Dokaz o školskim priznanjima (učenik generacije srednje škole, najviše priznanje univerziteta/Zlatna plaketa univerziteta) (original ili ovjerena kopija).
- 10) Izjava – kućna lista ne starija od 30 dana (original ili ovjerena kopija).
- 11) Dokazi o zaposlenju i visini stalnih izvora prihoda za sve punoljetne članove porodičnog domaćinstva (original ili ovjerena kopija):
 1. tri posljednje platne liste ovjerene potpisom i pečatom poslodavca ili uvjerenje poslodavca o visini posljednje tri mjesečne plate,
 2. ček od PIO penzije za tri posljednja mjeseca,
 3. za lica koja imaju registrovanu samostalnu djelatnost: obrazac 2002 o plaćenim doprinosima, za posljednja tri mjeseca i GPD i SPR obrasci godišnje prijave.
- 12) Uvjerenje iz Porezne uprave za podnosioca prijave i punoljetne članove domaćinstva o dodatnim prihodima (original ili ovjerena kopija).
- 13) Uvjerenje službe za zapošljavanje za sve nezaposlene članove domaćinstva, a ukoliko se isti ne vode na evidenciji službe za zapošljavanje, uvjerenje iz ispostave porezne uprave za sve nezaposlene članove domaćinstva kao dokaz o statusu nezaposlenosti (original ili ovjerena kopija).
- 14) Dokaz o postignutim rezultatima u oblasti nauke, umjetnosti, sporta i kulture (original ili ovjerena kopija) Napomena: Dokaz izdat od strane Sportskog saveza BiH ili granskog sportskog saveza organizovan na nivou države mora da sadrži podatke iz kojih se vidi da je 1, 2. ili 3. mjesto osvojeno na Olimpijskim ili Paraolimpijskim igrama, zvaničnim svjetskim ili evropskim prvenstvima organizovanim od strane krovnih međunarodnih asocijacija u odgovarajućoj oblasti sporta, odnosno da je 1, 2. ili 3. mjesto osvojeno na zvaničnim međunarodnim i državnim takmičenjima organizovanim od strane međunarodnih i državnih saveza

članica Međunarodnog olimpijskog komiteta ili Sport Accorda. Za uspjehe u oblasti nauke, umjetnosti i kulture dostavljaju se drugi relevantni dokazi koji ukazuju na tačnost tvrdnji u prijavnom obrascu.

Program broj 2. Subvencije za nabavku računarske i druge opreme

1. Namjena sredstava

Sredstva se dodjeljuju za nabavku računarske opreme i druge opreme vrijednosti veće od 1.000,00 KM (slovima: jednahiljada i 00/100 KM) čiji je rok korištenja duži od dvije godine, koja će doprinijeti boljim rezultatima i uspjesima mladih ljudi u oblasti obrazovanja, nauke, umjetnosti, kulture i sporta na području Tuzlanskog kantona.

2. Pravo i uslovi za dodjelu sredstava

Pravo na dodjelu sredstava ima fizičko lice/podnosilac prijave sa prebivalištem na području Tuzlanskog kantona, pod uslovima:

- a) da nije mlađi od 15 niti stariji od 30 godina života u trenutku podnošenja prijave,
- b) da je državljanin Bosne i Hercegovine,
- c) da ima mjesto prebivališta na području Tuzlanskog kantona,
- d) da ostvaruje uspješne rezultate u oblasti obrazovanja, nauke, umjetnosti, kulture i sporta.

3. Kriteriji za bodovanje

Kriteriji za bodovanje i rangiranje podnosioca prijave za dodjelu sredstava su:

- a) uspješni rezultati u oblasti sporta, obrazovanja i nauke, kulture i umjetnosti,
- b) prosjek ocjena,
- c) stručna sprema,
- d) članstvo u nevladinim organizacijama.

4. Maksimalni iznos sredstava

Sredstva za nabavku računarske opreme i druge opreme dodjeljivaće se u traženom iznosu, a maksimalan iznos ne može biti veći od 2.000,00 KM (slovima: dvijehiljade i 00/100 KM).

Troškovi koji se priznaju odnose se isključivo na direktne troškove nastale nabavkom opreme.

5. Potrebna dokumentacija

- 1) CIPS obrazac PBA3 ne stariji od 30 dana (original ili ovjerena kopija).
- 2) Dokaz o postignutim rezultatima u oblasti obrazovanja, sporta, nauke, kulture i umjetnosti (original ili ovjerena kopija).
- 3) Dokaz o školskim priznanjima i učešću na školskim takmičenjima (original ili ovjerena kopija).
- 4) Dokaz o ostvarenom prosjeku ocjena u srednjoškolskoj ili visokoškolskoj ustanovi (original ili ovjerena kopija).
- 5) Dokaz o stručnoj spremi (Diploma, Uvjerenje, Svjedodžba) (original ili ovjerena kopija) Napomena: Ukoliko se radi o inostranoj obrazovnoj ispravi, podnosilac prijave obavezan je uz ovjerenu kopiju iste dostaviti i odgovarajuće rješenje o nostrifikaciji, odnosno stručnom priznavanju, izdato od strane nadležnog Ministarstva.
- 6) Dokaz o članstvu u nevladinoj organizaciji (udruženju ili fondaciji) (original ili ovjerena kopija).
- 7) Predračun sa specifikacijom troškova, izdat od subjekta od kojeg se planira nabaviti oprema.

III OPĆE ODREDBE

1. Objava Javnog poziva

Javni poziv objavljuje se na zvaničnoj web stranici Vlade Tuzlanskog kantona: www.vladatk.gov.ba. zatim web stranici Ministarstva: www.mksmtk.gov.ba i u dnevnim novinama „Oslobođenje“.

2. Način podnošenja prijave

Podnosilac prijave prilikom prijave na Javni poziv obavezno dostavlja PRIJAVNI OBRAZAC (popunjen), koji se može dobiti u Ministarstvu za kulturu, sport i mlade, putem web stranice Ministarstva: www.mksmtk.gov.ba i putem web stranice Vlade Tuzlanskog kantona www.vladatk.gov.ba.

Prijave se šalju preporučeno poštom ili lično u zapečaćenim kovertama na adresu:

Tuzlanski kanton

Ministarstvo za kulturu, sport i mlade

Pisarnica Vlade TK, Rudarska broj: 57, 75000 Tuzla,

sa naznakom: **NE OTVARATI–prijava po Javnom pozivu: Odabir korisnika sredstava sa potrošačke jedinice „Podrška mladima“ u 2018. godini**, sa napomenom:

Program broj: _____ (navesti broj i naziv programa)

Na poledini koverte obavezno navesti ime podnosioca prijave, adresu i kontakt telefon.

Podnosilac prijave obavezno popunjava sve rubrike Prijavnog obrasca i odgovara za vjerodostojnost svih unesenih podataka.

Nepotpune, neuredne i neblagovremene prijave neće biti predmet daljeg razmatranja.

3. Rok za dostavu prijava

Javni poziv ostaje otvoren **30 dana** od dana objavljivanja u dnevnim novinama "Oslobođenje".

Prijave primljene nakon isteka navedenog roka biti će odbačene i neće biti predmet razmatranja.

4. Informacije podnosiocima prijava

- Sredstva, iz ovog poziva, za subvencioniranje kamata na kredite za stambeno zbrinjavanje mladih neće se dodijeliti podnosiocu zahtjeva koji je u prethodnim godinama bio korisnik sredstava za stambeno zbrinjavanje i/ili subvencioniranje kamata za stambeno zbrinjavanje odobrenih iz Budžeta Tuzlanskog kantona.
- U slučaju zaključenog ugovora o zajedničkom stambenom kreditu prijavu može podnijeti samo nosilac kredita.
- Prispjela dokumentacija neće se vraćati.
- U slučaju nedostatka sredstava u Budžetu Tuzlanskog kantona obustavlja se realizacija dodjele sredstava u potpunosti ili djelimično, srazmjerno nedostajućim sredstvima.
- Sve dodatne informacije vezane za Javni poziv mogu se dobiti svakim radnim danom na brojeve telefona: 035/369-352, 035/369-410, 035/369-409, 369-350.
- O rezultatima javnog poziva podnosioci prijava će biti obaviješteni putem web stranice Ministarstva: www.mksmtk.gov.ba i putem web stranice Vlade Tuzlanskog kantona www.vladatk.gov.ba.

MINISTARSTVO ZA KULTURU, SPORT I MLADE